



VII CONVOCATORIA DE PROXECTOS DE INNOVACIÓN EDUCATIVA

1. OBXECTIVOS

A USC a través do Vicerreitorado de Oferta Docente e Espazo Europeo de Educación Superior convoca VII Convocatoria de Proxectos de Innovación Educativa para a realización de proxectos orientados á mellora da calidade da docencia por medio da integración das tecnoloxías da información e a comunicación (TIC). Nesta convocatoria tamén participan as Vicerreitorías de Calidade e Planificación, de Profesorado e Organización Académica e de Coordinación do Campus de Lugo

A finalidade da convocatoria é promover a integración das tecnoloxías en proxectos innovadores que desenvolvan métodos mais flexibles, propostas didácticas para aprendizaxe autónoma do alumno, adecuación os contextos da práctica, xeración de materiais didácticos que fagan uso das TIC, .. converxentes coa concepción da ensinanza universitaria que adopta o Sistema Europeo de Transferencia de Créditos (ECTS). Os proxectos que se presenten deben ser orixinais e non ter recibido financiamento da USC en convocatorias anteriores.

O resultado final dos proxectos deberá ser a produción dos materiais, e os procedementos necesarios para que os alumnos das materias regradas poidan realizar e verificar a súa aprendizaxe a través do Campus Virtual da USC.

Os proxectos deben ir dirixidos a desenvolver experiencias baseadas na web empregando os recursos do Campus Virtual da USC en dúas liñas de actuación diferentes:

Liña de actuación A

Formación regrada de primeiro, segundo ciclo e materias de nivelación.

As accións neste ámbito buscarán unha mellor integración das tecnoloxías da información e a comunicación como soporte á docencia presencial, potenciando a autoaprendizaxe e o traballo colaborativo do alumno, así como o labor tutorial do profesor diminuindo as barreiras espazo-temporais entre o alumno e o profesor.

Consideraranse accións prioritarias nesta liña de actuación, os proxectos que impliquen o desenvolvemento das materias troncais das titulacións, materias de nivelación e de libre configuración totalmente virtuais e os cursos virtuais de habilidades curriculares básicas.

Líña de actuación B

Formación regrada: Terceiro Ciclo e Programas Oficiais de Posgrao

Neste ámbito, a finalidade das accións será a planificación e o desenvolvemento dun programa de doutorado o POP, promovendo a innovación e a calidade nos métodos docentes con apoio das tecnoloxías da información e a comunicación.

Nesta segunda liña de actuación consideraranse prioritarios os proxectos nos que os programas de terceiro ciclo sexan totalmente virtuais ou polo menos un 50% virtuais.

2. DURACIÓN

A subvención dos proxectos terá unha duración distinta segundo cada unha das liñas de actuación:

Na liña de actuación A: curso 2007-08

Na liña de actuación B: curso 2007-08, 08-09 (no caso dos Master según a súa duración)

3. DESTINATARIOS

Poderán presentar Proxectos de Innovación Educativa profesores individuais ou grupos de profesores da USC. Cando se trate dun grupo de profesores deberá existir un coordinador responsable do proxecto, que debe ser un profesor a tempo completo. Entenderase que os profesores solicitantes contan con plena capacidade docente nas materias ás que afecta o proxecto, que gozan de autonomía e da autorización do Departamento ou Centro para levalo a cabo. Os proxectos involucrarán os profesores da materia. Tamén poderá solicitar a súa participación un Departamento, Facultade ou Escola, cando a índole do proxecto así o aconselle.

4. REQUISITOS DOS PROXECTOS

- 1.- A temática estará en consonancia coas bases desta Convocatoria e se dirixirá á mellora da calidade da docencia por medio das tecnoloxías.
- 2.- As materia/s incluídas no proxecto non poden obter axudas en máis dunha convocatoria previa.
- 3.- A presentación da memoria da experiencia dos proxectos subvencionados en convocatorias anteriores¹.
- 4.- Os profesores só poderan ser responsables dun proxecto.
- 5.- Un profesor non poderá participar en mais de dous proxectos.

¹ A efectos desta convocatoria, considerase que se ten obtido una subvención previa se alguna das materias vinculadas a proposta ten sido incluída en anos anteriores ou se, a lo menos, o 25% dos docentes asinantes do proxecto teñen participado en convocatorias anteriores.

6. Nunha mesma materia non se poden presentar varios proxectos.

5. CRITERIOS DE VALORACIÓN DOS PROXECTOS

A selección dos proxectos realizarase conforme ás bases desta Convocatoria, tendo en conta os seguintes criterios:

Criterios Valorativos:

- Que se ofrezan propostas metodolóxicas concretas que favorezan a aprendizaxe autónoma e significativa.
- Que contemple no seu desenvolvemento a participación activa dos alumnos.
- Que potencien o papel do profesor/a como orientador/a da aprendizaxe dos alumnos.
- Que potencie o emprego daqueles recursos didácticos (audiovisuais, simulacións, etc) que propicien unha ensinanza máis activa e motivadora.
- A amplitude do ámbito de aplicación e o carácter interdisciplinar do proxecto.
- Que se fomente o traballo colaborativo do profesorado.
- Que impliquen a implementación dos ECTS.
- Orixinalidade e viabilidade do proxecto.
- Coherencia do orzamento do proxecto.

6. SOLICITUDES

Quen desexe participar no proceso de selección deberán facelo constar por escrito, mediante solicitude dirixida o Vicerreitor de Oferta Docente e Espazo Europeo de Educación Superior (Anexo I ou II).

Para seren admitidos/as ó procedemento de selección os/as aspirantes manifestarán na súa solicitude que reúnen todos e cada un dos requisitos e condicións de acceso esixidas, referidas á data de expiración do prazo sinalado para a presentación de solicitudes.

A presentación da solicitude implica a total aceptación das bases por parte de cada solicitante.

7. DOCUMENTACIÓN

Ademais da instancia de solicitude, os aspirantes deberán presentar a seguinte documentación para participar no proceso selectivo:

- a) Diseño do proxecto de innovación educativa (segundo detállase nos anexos) xustificando as decisións e propostas en cada un dos apartados correspondentes.

- b) Se recibiron subvencións noutras convocatorias, memoria da experiencia dos proxectos subvencionados en convocatorias anteriores.
- c) Cando o proxecto comporte o emprego de recursos do Departamento e/ou do Centro, a solicitude deberá acompañarse da conformidade do seu Director/Decano.

Non serán necesarios os acordos do Departamento e do Centro no momento da presentación das solicitudes. No caso de que o proxecto sexa aprobado, deberá ser posteriormente ratificado polo Consello de Departamento e a Xunta de Centro.

8. PRAZO E LUGAR DE PRESENTACIÓN

As solicitudes dirixiranse ao Vicerreitor de Oferta Docente e Espazo Europeo de Educación Superior da USC, no prazo do día 8 ata o 22 de outubro.

A presentación de solicitudes farase no Rexistro Xeral da USC, situado no Reitorado da USC (Colexio de San Xerome. Praza do obradoiro s/n, Santiago de Compostela) e no Rexistro do Campus de Lugo, situado no edificio de Servizos Administrativos da Biblioteca intercentros (Avda. de Bernardino Pardo Ouro s/n, Fingoi-Lugo).

Para participar nesta convocatoria é imprescindible enviar unha copia en formato electrónico (RTF o PDF) da documentación presentada no Rexistro á dirección: ceta@usc.es.

9. LUGAR DE NOTIFICACIÓN DOS ACTOS DERIVADOS DA PRESENTE CONVOCATORIA

De conformidade co artigo 59.5.b) da Lei de Réxime xurídico das administracións públicas e do procedemento administrativo común as sucesivas comunicacións se efectuarán nos taboleiros de anuncios do Rectorado (Santiago) e na Vicerreitoría de Coordinación do Campus de Lugo, sen prexuízo da súa publicación complementaria en medios electrónicos.

10. ADMISIÓN DE ASPIRANTES

A Comisión de Selección publicará, nos 5 días seguintes despois de finalizado o prazo de presentación de solicitudes nos taboleiros de anuncios do Rectorado (Santiago) e na Vicerreitoría de Coordinación do Campus de Lugo e na páxina web do CeTA, a relación de aspirantes admitidos e excluídos.

Para emenda-los defectos da publicación anterior os aspirantes non admitidos e excluídos poderán xustificar o seu dereito a ser admitidos, no prazo de 10 días hábiles, contados a partir do día seguinte á publicación, quedando excluídos definitivamente de non facelo.

11. COMISIÓN DE SELECCIÓN E SEGUIMIENTO

A Comisión de Selección e Seguimento, estará composta polo Vicerreitor de Oferta Docente e Espazo Europeo de Educación Superior, que actuará como Presidente, un representante da Dirección do CeTA, que actuará como secretario, a Vicerreitora de

Profesorado e Organización Académica, ou persoa en que delegue, a Vicerreitora de Calidade e Planificación, ou persoa en que delegue, o Vicerreitor de Coordinación do Campus de Lugo, ou persoa en que delegue, e tres docentes a tempo completo da USC que actuarán como vocais.

Os aspirantes poderán formular causas de abstención e recusación contra os membros nomeados no xeito establecido nos artigos 28 e 29 da Lei 30/1992, do 26 de novembro.

A función da Comisión de Selección e Seguimento da presente Convocatoria será regular todo o relativo á mesma, e en particular:

- Seleccionar os proxectos de innovación.
- Definir os medios técnicos necesarios para apoiar cada un dos proxectos seleccionados.
- Garantir o apoio ós profesores e ós servizos na utilización dos medios técnicos.

O Centro de Tecnoloxías para a Aprendizaxe (CeTA) será o servizo encargado de aportar apoio técnico para a produción do material, tanto polo que se refire á plataforma tecnolóxica WebCT como a outras aplicacións informáticas necesarias para a produción dos materiais, e aloxamento dos materiais nos servidores de *Campus Virtual da USC*.

12. SELECCIÓN

O proceso de selección constará de unha única fase de valoración dos proxectos presentados. A comisión xulgadora levantará acta na que consten os acordos acadados e o resultado das valoracións.

Finalizada a fase de valoración, a Comisión de Selección elaborará unha proposta de resolución que fará pública nos taboleiros de anuncios do Rectorado (Santiago) e na Vicerreitoría de Coordinación do Campus de Lugo e na paxina web do CeTA.

13. FINANCIAMENTO

A partida específica dos presupostos da USC destinada a financiar a “VII Convocatoria de Proxectos de Innovación Educativa” é de 45.000 euros O procedemento tramitarase no servizo da OIT.

A cantidade máxima que se poderá solicitar por proxecto será de 2.000 euros para unha materia e de 3.500 euros no caso de varias materias na liña de actuación A, e de 4.000 euros na liña de actuación B. As cantidades concedidas poderanse dedicar a material inventariable, material funxible ou bolsas de colaboración.

Para contribuír a súa efectiva realización, os Centros e Departamentos poderán colaborar ao financiamento con fondos propios. Nestes casos valorarase a cofinanciación na selección dos proxectos.

14. BOLSAS DE COLABORACIÓN

Se o proxecto inclúe a creación dunha bolsa de colaboración, esta deberá axeitarse os seguintes criterios:

- O tempo de duración mínima da bolsa será de tres meses.
- A contía económica das bolsas será de trescentos treinta euros ao mes cunha dedicación de quince horas á semana.
- Aquelas persoas que obteñan estas bolsas poderán participar nos cursos de *Formación no uso do Campus Virtual da USC* para docentes sempre e cando queden prazas dispoñibles, sen ter dereito a acreditación.

Para o procedemento de convocatoria das bolsas de colaboración contarase co servizo da OIT.

15. OBRIGAS CANDIDATOS SELECCIONADOS

O/s beneficiario/s estarán obrigados a:

- a. Realizar a actividade para a que se lle concede a axuda e cumprir as condicións da convocatoria, sendo necesario para calquera cambio obter a oportuna autorización.
- b. Aportar documentación xustificativa na memoria da experiencia.
- c. Titorización das actividades dos bolseiros (Este apartado es nuevo respecto a la anterior convocatoria):
 - A titorización do traballo dos bolseiros corresponde o responsable do proxecto quen realizará o seu seguimento e aprendizaxe para conseguir os obxectivos fixados.
 - Así mesmo, os bolseiros deberán presentar unha memoria final dos traballos realizados que deberá ser avaliada polos titores e que estes presentarán na memoria da experiencia.

16. MEMORIA DA EXPERIENCIA

Os coordinadores responsables dos proxectos seleccionados deberán entregar, antes do remate do 25 de xullo de 2008, un informe valorativo do mesmo -no que se especifique o grao de cumprimento da actividade-, así como unha memoria económica que inclúa unha desagregación dos gastos efectuados e a copia da partida orzamentaria, e unha memoria final dos traballos realizados polos bolseiros. A non presentación desta memoria implicará o reintegro dos fondos recibidos.

A documentación referida deberá ser dirixida o Secretario/a da Comisión de Selección e Seguimento e presentada nos Rexistros da Universidade ou mediante calquera dos procedementos establecidos no artigo 38.4 da Lei 30/1992 de 26 de novembro, de Réxime Xurídico das Administracións Públicas e Procedemento Administrativo Común, sendo tamén imprescindible enviar unha copia dos mesmos en formato electrónico (RTF o PDF) á dirección: ceta@usc.es.

17. MATERIAIS ELABORADOS NOS PROXECTOS

Os materiais didácticos creados nos proxectos subvencionados deberán estar dispoñibles no Campus Virtual da USC durante un mínimo de tres anos académicos, sen prexuízo das melloras que se poidan realizar nos mesmos.

18. XORNADAS DE INTERCAMBIO E PUBLICACIÓN DOS PROXECTOS

O CeTA organizará no primeiro cuadrimestre do curso académico 2008-2009 unhas xornadas de intercambio de experiencias nas que se presentarán os resultados da convocatoria.

Nestas xornadas, aqueles proxectos que a Comisión de Selección e Seguimento considere especialmente relevantes serán presentados polos responsables dos mesmos. Estes proxectos poderán ser incluídos de xeito automático na Convocatoria de dos Premios a Innovación Educativa na Universidade, sempre e cando se cumpran coas condicións establecidas nas súas bases.

Asemade, publicarase na web do CeTA a valoración das experiencias realizadas. Para elo, cada coordinador responsable comprometerase a presentar, xunto a súa memoria, un resume do informe valorativo do proxecto para a súa edición. Presentaranse preferentemente en galego, e terán unha extensión mínima de 2 folios e máxima de 5 (DIN A4) e nunha soa cara.

A presentación a convocatoria implicará a cesión dos dereitos de edición por un período de dous anos así como a renuncia aos dereitos de autor correspondentes a unha primeira edición.

Santiago de Compostela, a 5 de outubro de 2007

O Vicerreitor de Oferta Docente e Espazo Europeo de Educación Superior